



◆ ◆ ◆
**STÒRIA DE UNA
CRÈSIA E DE
UNA
COMUNIDADI**



◆ ◆ ◆
**EX CRÈSIA DE
SANTU
SREBESTIANU**



SERRAMANNA

Su Cunventeddu



◆ ◆ ◆
PROGETU FINANTZIAU CUN SU DINAI DE SA
REGIONE AUTÒNOMA DE SARDIGNA
CUNFORMA A SA L.482/99 E A SA L.R. 22/2018



Stòria

Sa crèsia de S. Srebestianu fiat stètia fraigada in su sèculu de XVI in stili de su Rinascimentu comenti a òpera votiva a pustis de una pestilèntzia. In su 1831, cun s'arribu de is paras Domenicanus, fiat stètia aciunta a is propiedadis de su Cunventu. Fiat stètia scioberada comenti a sedi de sa Cunfraria de sa Madonna de su Rosàriu, e is componentis fiant tzerrius cunfradis biancus po mori de sa besti issoru.

Custa Cunfraria fiat acapiada a su cultu de sa Madonna de su Rosàriu e acumpangiàt durante sa professoni de Pasca Manna su bultu de sa Madonna.

A pustis de sa partèntzia de is Domenicanus in su 1858 sa crèsia iat sighiu a essi sedi de sa Cunfraria. Me in is primus annus '30 fiat stètia impreada comenti a Parròchia. Apustis est stètia impreada po is prus svariis impreus: refetòriu de is scolas e spàtziu polivalenti.



Descritzioni

Sa fatzada, cun is linias simpris suas, podit essi acostada a su stili de su Rinascimentu. Su portali est ingurnisau de una curnisa aguantada de cònsolas e acabat cun unu frontoni clàssicu cun ventana a afantàlliu. S'eleganti campanili a vela est dotau de campana. Su fundu presentat duas navadas separadas de pilastrus de matonis, in s'orìgini arrebusaus. S'imbussadura est a intrainaduras de linna. De su puntu de bista stòricu est de importu a sutaliniai ca in orìgini sa strutura fiat meda de prus estèndia: sa crèsia e sa sagrestia fiant acotzadas s'una a s'àtera e, in càmbiu de s'atuali spiatzu lastricau, s'agatàt su presbitèriu, artziau de unus cantu scalinus, a custu s'atzediat po mèdiu de unu arcu triunfali. A s'internu s'agatàt unu altari in muradura e linna sìmilli a is dedicaus a S. Antoni e S. Maria chi faint a osservai in sa crèsia de S. Leunardu. Testimònias atestant sa presèntzia de vàrias stàtuas de linna a cannuga (cun telàrgiu in cannas), intre custas si signalant unu S. Antìogu oramai pèrdiu e de is chi esistint, sa Madonna de s'incontru e sa Vèrgini de su Rosàriu chi est sa matessi chi fiat stètia bitida a coddu de is membrus de s'omònima Cunfraria sa diri de s'insediamentu de is Domenicanus a Serramanna e de sa posa de sa pedra angulari de su Cunventu benidori, su 12 de su mesi de Idas de su 1631.

